

醫說

歷代名醫
醫書
本草
鍼灸
神醫

				一	八
				一	九
				二	九
				二	二
冊	架	函	號	類	

漢書門

				一	八
				一	八
				九	五
				二	二
冊	架	函	號	類	

內閣文庫

內閣文庫	
番號	漢 1882
冊數	5 (— 1)
函號	300 201

300-201



嘉靖三十九年八月 日

內賜承政院左副承旨柳昌門醫曹說一件

命除謝

息

都承旨臣李憲

列醫說叙

醫說也按經籍考載宋張濂季明撰書凡十

卷云今讀之遠心稍度其闡藝極之微乎述叙學

傳所以論端也周論方脉所以約準也要察證報

所以彰警也緣法以求業探制以永習術者莫之

能離也夫襲世作教靡紹師承故必折諸聖湮典

升式茂所纏則故必稽諸籍冒賄信闇引妻伐生

故必微諸休咎是銳思於往遺據意於時覈蒐事

格論斯其備矣故曰說醫在昔軒岐辯道晰言揆

指而格迭作內經靈樞諸篇冲含玄極發融太和

茲乘也賴也近古有若秦越人太倉公顯名諸

侯流聲異代而太史公書具存其崇範殫智雖假

大學東
文典書
局之所

緣飾亦不詭於古人按而稽之可誦而傳也是又在人默識之焉矣矧鑿為意也天地之氣運候而異委風土之變南北而異宜寒暑之節壯弱而異受故有異疾而同療殊劑而合効者蓋鑿之於疾若老吏斷獄古方書猶律令所謂案也顧所取裁不遷於成而鑿也宣導藥理維盡諸證子華子曰藥者淪也言有疏也是故纂緒而達其變會要而參其全不可以執而必曰古方古方過矣則鑿說者固以意言之乃今知藝極之所以微也南衡童先生按晉携此編自隨極愛其哀述不舛怪間以語立請刻之爰敷惠心以康晉之人李明固有遭哉李明世鑿也其言是微安得而不傳嘉靖癸卯

夏六月朔東黃張子立撰


醫說序

越帥待制汪公鎮越累年未嘗不以濟人救物為心。興利除害為事。一日以張氏鑿說巨編示與俾是正其訛舛。將鋟梓以廣其傳。興因整襟肅容而觀之。見其叙鑿家之本末。疾病之精微。無慮數十萬言。吁何其詳且博也。夫鑿之道大矣。自農黃岐伯雷公而下。無非聖哲開其源。賢智導其流。故能拯黎元之疾苦。贊天地之生育。世道既降。士大夫以此為技藝。不屑為之。而畀之凡流。故以至精至妙之理。而出於至卑至淺之思。其不能起人之疾。反以夭其命者多矣。此范文正公所以自謂不遇則願為良醫前輩亦云。治病而委之庸醫。比之不

慈不孝也。抑思之自昔卓然名家者如和緩扁鵲
淳于意張仲景孫真人及脉訣等書其論醫也莫
不以保養為先藥石為輔至於察行診脉必致辨
於毫芒疑似之末而深痛夫世之醫者苟簡虛憍
之習也是書所載大略舉矣而以序冠其前者顧
乃以醫之伐病如將伐敵當用背水陣以決勝是
徒見夫華佗之說時出其間而或有以竒捷之方
拯人之危者爾愚觀近世賢士有為證類本草者
其說謂道經略載扁鵲數法其用藥猶是本草家
意至漢淳于意及華佗等方今時有存者皆條理
藥性惟仲景一部最為衆方之祖但其善診脉明
氣候以意消息之爾至如剗腸割臆刮骨續筋之

法乃別術所得非神農家事至我為論足以發明
是書之大旨矣興既為辯其舛誤芟其蕪類而間
以所聞於記錄者稍附益之且以其管見復於公
庶幾不負委屬之意云

紹定改元孟夏望日門下士山陰諸葛興謹書



醫說目錄

卷二

歷代名醫

三皇

太昊宓犧氏

炎帝神農氏

黃帝軒轅氏

伏羲季

岐伯

鬼臾區

少師

伯高少俞

俞跗

桐君

雷公

馬師皇

陶唐

巫咸

商

醫說目錄

伊尹

周

巫彭

璠氏俞氏盧氏

春秋

醫緩

醫和

文摯

醫扁

鳳綱

戰國

秦長桑君

扁鵲

子豹子陽

秦

李醢

崔文子

安期先生

西漢

樓護

公孫光

陽慶

太倉公

秦信

王遂

宋邑

馮信

高期

王禹

唐安

杜信

玄俗

東漢

張機

郭玉

涪翁

程高

沈建

張伯祖

杜度

衛沉

淮南子

蜀漢

李譔

魏

華佗

李當之

吳普

樊阿

封君達

韓康

吳

呂搏

董奉

負局先生

晉

李子豫

張苗

王叔和

趙泉

皇甫謐

裴頠

裴顛

劉德

史脫

宮泰

靳邵

阮佃

張華

蔡謨

支法存

仰道士

葛洪

殷仲堪

程處

范汪

宋

主纂

胡洽

徐熙

道度

叔嚮

薛伯宗

徐神融

徐文伯

徐嗣伯

僧深

劉涓子

羊昕

秦承祖

南齊

張子信

馬嗣明

張遠遊

北齊

顧歡

李元忠

李密

崔季舒

祖珽

褚澄

鄧宣文

顏光祿

徐謩

徐雄

龍樹王菩薩

徐之才 徐林卿 徐同卿

後魏

王顯

梁

陶弘景

周

徐之範

杜善方

隋

徐敏齋

許智藏

巢元方

楊上善

全元起

唐

蘇恭

甄權

甄立言

宋俠

許胤宗

孫思邈

藥王韋慈藏

處士蕭炳

李虔縱

楊玄操

張文仲

孟詵

王冰

元珠先生

楊損之

王方慶

秦鳴鶴

許孝宗

張鼎

陳藏器

李含光

五代

孟昶

韓保昇

陳士良

唐慎微

卷二

醫書

醫書

黃帝與岐伯問難

素問惟八卷

醫之起

方書所出

難經

陸宣公哀方書

本草

百藥自神農始

皇朝開寶甲重校定

藥有君臣佐使

用藥增減

藥有宣通補洩

本草黑白字

藥有陰陽配合

誤注本草

藥名之異

鍼灸

鍼灸之始

明堂

妙鍼獺走

鍼芻愈鬼

鍼愈風手

許希善鍼

鍼法

鍼愈風眩

鍼鼻生贅

筆鍼破癰

鍼瘡巨虱

善鍼

捫腹鍼兒

鍼急喉閉

砭石

刺誤中肝

九鍼

玉鍼

鍼舌底治舌出不收

艾謂之一壯

灸背瘡

蒜灸癰疽

灸瘰癧

灸欬逆法

灸鼻衄

灸牙疼法

脚氣灸風市

灸脚轉筋

三里頻灸

灸頭臂脚不宜多

灸痔疾

灸蛇毒

灸難產

灸臍風

不宜灸

因灸面而黑氣

神醫

五

太醫集業

趙簡子

神醫

尸蹇

死胎

郝翁精於醫

褚澄善醫

唐與正治疾

以鑿知名

耳聞風雨聲

非孕

徒癱

劉從用妙醫

拔麥中蠱

華佗醫疾

破腹取病

扁鵲見齊桓侯

文摯

董奉

華佗

臟氣已絕

病有六不治

隨俗為醫

扁鵲兄弟三人

豎傷脾

病狂

肝氣暫舒

卷三

神方

夢獲神方

藥愈眼疾

觀音治痢

懸癰

神授乳香散

夢張王藥愈癰

救疫神方

治吐血

呂真人治目疾

驚風妙藥

治內障羊肝丸

神精丹

寒嗽

丁公藤愈風

稀莖丸

一服飲

診法

診法

動脈

脈行氣逆順

四時之脈

肥瘦虛實

形氣相得相反

善別脈

龐安常脈法

太素之妙

魚遊蝦戲

傷寒

百病之本

察病先識其源

病之所由

六經傷寒用藥格法

傷寒有五

陽證傷寒 竹葉石膏湯

聖散子之功

柴胡以咀 寒厥

風濕不可汗下

取汗不可先期

傷寒舌出

四時癘疾

辨沙病 暑氣所中

傷寒後睡不著

用藥不同

傷寒差後之戒

諸風

風者百病之始

中風用藥

中風

辨諸風證

諸風

風痲

風癱

脹腿

風眩

風痺

偏枯

小中不須深治

邪風

風厥

睡防風吹

白癩病

長松治大風

瘵風癩絕不同

食川山甲動風舊疾

葦草治風

蚺蛇治風

蛇墜酒罌治風

桑枝愈臂痛

透冰丹愈耳聾

臂細無力不任重

風眩

風痺

風蹶

痺

苦杏風

癱瘓

迴風 二條

手足沉重狀若風者

上氣常須服藥

熱蹶

眉髮自落

卷四

勞瘵

五勞

六極

七傷

虛勞

冷勞

勞瘵

傳勞

遇道人治傳勞方

勞傷瘵疾

勞復

鬼瘵

瘵疾

尸瘵

虛勞用藥

鰻治勞疾

虛勞服藥

骨蒸內熱

氣血虛發厥熱

入肉治羸疾

治羸瘵

治勞瘵吐血

天靈蓋

鼻衄吐血

血衄二條

嘔血咯血

山梔子茅花愈衄血

頭風

偏頭疼

頭眩

蹶頭熱

婦人偏頭痛

沐頭洗浴

婦人月水來不可沐頭

川芎不可久服

眼疾

目疾

讀書損目

觀音洗眼偈

眼疾不可洗浴

眼痛不食

眼赤腫 眼疾有虛實 赤目戒食

一日失明 治眼 治內障

婦爛緣眼 治內障眼

治眼二百味花草膏 斑瘡入眼

眼中常見鏡子 目疾忌浴

偷鍼眼 目視一物為二

洗眼方

口齒喉舌耳

治喉閉 二條 咽喉腫痛 巧匠取喉鈎

舌腫滿口 舌無故血出 牙疼有四

牙齒日長 舌脹出口 治齒痛

齩齒 飲酒嗽口 漱口食冷

棗能黃齒 齒藥 試 齒間肉壅出

飲酒喉舌生瘡

苦參不可潔齒 齒縫出血

虎鬚治齒痛 積年耳聾

骨體

治哽以類推 礪砂治哽 呪水治哽

漁人治硬 治哽 故魚網治哽

倉卒有智

喘嗽

喘有三證 咳嗽 二條 治痰嗽

治齁喘

鼻 喘病 肺氣

肺熱久嗽 喘有冷熱 水喘

翻胃

治翻胃 驢屎治翻胃 乾嘔不止

霍亂

卷五

心疾健忘

抑情順理 心疾 驚氣入心

神志恍惚 神氣不寧 健忘詩

忽不識字 治人心昏塞多忘喜誤

治惡夢 麝枕 癩疾 二條

狂 魘不寤 夢

卧而不寐 小便如泔 夜魘

暮卧呪 桑葉止汗 大驚發狂

犯麥毒 夢遺 心脉溢關

瘡 人卧血歸於肝

血脉 笑歌狂疾

鬲噎諸氣

氣鬲 五鬲 五鬲緒氣

五噎 靛治噎病 糠治卒噎

病噎吐蛇 食飴治噎 百病生於氣

天地氣所生 氣虛氣逆 有餘不足

重虛 寒熱厥 氣候

六氣 胃氣五臟之本

四時五行五臟五氣 旦暮氣

四時之氣更傷五臟 五臟所藏

五臟所傷 五臟之脉 五入

五惡 五液 五主

五禁 汗出

體有可已之疾

消渴

渴服八味丸 三條

仲景治渴

浮石止渴 苦酒消渴

熱中消中富貴人

心腹痛

心痛 腹痛有數種 大瀉腹痛

暑月破腹 小腹切痛 真心痛

脾痛 求煎理中丸

心痛食地黃麩 膀胱氣痛

砂石淋 頭垢治淋

諸瘡

瘡名不同 三條 驢軸治瘡 疔疾 二條

瘡疾 病有不可補者

癥瘕

癥瘕 遺積瘕 蟻瘕

蛇瘕 米瘕 髮瘕

食髮致疾 瘕 鼈瘕

鼈瘕者 疰瘕

京三稜治癥瘕

諸蟲

應聲蟲 二條

蛇蟲

五臟之蟲

九蟲之狀

諸蟲入耳

誤吞水蛭 三條

苦寸白蟲 三條

誤吞蜈蚣

蝮蛇及百蟲入耳

尸蠱

酒蟲

卷六

臟腑泄痢

當暑勿食生冷

辯臟寒下利

治赤白痢

久患泄瀉

痢有赤白

罌粟治山黃車前止暴下

薑茶治利

二藥治痢

治臟腑

半夏溢脾止瀉

乳煎葦撥治氣

臟腑秘澀

風藥燥腸

腸胃流熱

腸風痔疾

痔腸風臟毒

腸風下血

酒痢

臟毒下血

脫血

瘰癧

服石發疽

病疽

治背瘡

治喉瘰癧

治瘰癧

治瘰癧方

療瘰癧毒

發背無補法

結瘰

預療背疽

雲母膏愈腸瘰

疽

瘰瘡

脚氣

脚氣痞絕 脚氣無補法 脚氣如中箭

脚氣 治閉結并脚氣

附船愈脚氣病 脚蹇

旋復根能續筋

漏

時康祖心漏 鱧魚漏 鱧魚漏

蟻漏 犬齧瘡得鍼 灸鼠瘡漏

李生虱瘤

腫癭

病腫 腫 陰腫如鍾

小兒陰腫 小兒熱毒逝腫

婦人陰腫堅硬

脚腫

背腫 腮腫

癭

井錫鎮癭

中毒

中仙茅附子毒 中葷毒

中鱧鼈蝦蟇毒 中豆腐毒

諸果有毒 中班鳩毒 中蜈蚣毒

藥反中毒 中魚毒 中蒿菜毒

魚枕遇蟲毒 中酒毒 天蛇毒

中桃生毒 誤飲蛇交水 中蜘蛛毒

中山鷄鷓鴣毒

中石斑魚子毒 地漿治菌毒

解毒

解蠱毒呪并方

解砒毒

治蠱毒

解藥毒

解毒

蟹解漆毒

獸能解藥毒

蛛為蜂螫

保靈丹

卷七

積

傷滯用藥不同

物能去積

食藥

治積用藥

顛撲打傷

墮馬

治臂曰脫

龜獸奇方治傷折

打撲傷損

四條

熱葱涕愈傷指

打撲損

墜馬折足

蹴鞦韆墜損

搓袞舒筋

奇疾

簷溜盥手龍伏藏指爪中

婦人異疾

嘔物如舌

消食籠

孕婦腹內鐘鳴

解瘡兒出

人面瘡

啖物不知飽

腸痒疾

王氏異疾

療饑蟲

小兒脫病

足面奇瘡

產後腸痒

甌氣薰面腫

蛟龍病

疑病

產婦腹中痒

食鱧吐蝦蟇

瘡破雀飛

蛇在皮中

怪石鏡

冷疾

人漸縮小

視直如曲

寒熱注病

割腹視脾

大怒病差

蒸之得汗

視胎已死

死枕愈病

病悲思

穀觸氣

兒小腎縮

飲水得疾

誤吞金鑽

飛絲入眼

蛇蠱獸咬犬傷

白芷治蛇齧

被毒蛇傷

辟蛇毒

蛇蠱所傷

山林日用法

治蛇蝎咬

蜘蛛齧

猫傷

馬咬

蜈蚣咬

惡蛇螫

辟鏡咬二條

蠶咬

治諸獸傷

獠犬所傷

犬傷二條

虎犬咬

蠶螫

蝎螫

蠼螋妖蟲

湯火金瘡

大黃療湯火瘡

醋泥塗火燒瘡

湯火瘡禁用冷

歛金瘡口

治金瘡二條

火氣入脚生瘡

田舍試驗之法

食忌

鼠盜食忌

淡食

飲食不可露天

勿過食

食鼈不可食莧

雜忌

食蟹反惡 銅器不可蓋食

炊湯不宜洗面體

食驢鬣漏肉之戒

食勿多飽勿卧 發暴

飲食忌 醉飲過度 黃帝雜忌法

飲食禁 食蜜不可食鮓

食河豚不可食風藥 飲食宜緩

陰地流泉不可飲 食禁

禽獸蟲魚肉異不可食 勿食生鮮

四時不食 飽勿便睡

生物食之無益 食無求飽

飲食以時 食飲以宜

粥能暢胃生津液 五味致美

飲酒面青赤 魚無腮不可食

卷八

服餌并忌藥

服藥忌食 藥欲用 桃膠愈百病

服朮 食朮不饑 服朮忌蛤

服黃連 服松脂 服黃精

不食蒜 真菊野菊 論物理

服菖蒲 服餌忌羊血 三藥

朴硝下死胎 常服熱藥 泉耳補益

補骨脂凡 用藥徧見 遍體盡瘡

功在橘皮 人氣粉犀 老人疾患

物性皆有離合

藥議

施藥

風土不同

蒼朮辟邪

陰氣所侵

流水止水

服雄黃

古方無妄用

草藥不可妄服

服藥次序

服餌

五味各有所歸

治胡臭

二條

枳殼散之戒

疾證

妄庸議病

病生於和氣不須深治

辯證

病名不同

外感内生諸疾

取像

反治法

五臟六腑其說有謬

六淫之疾 治病有八要

病不可治有六失

婦人以帛幪手臂

勇怒

鬱冒

尸厥

外患當以意治

論醫

醫

醫特意耳

論黃連書

藥用君臣

鬚鬢眉所屬

活人書

六氣六候

卷九

養生脩養調攝

養生

三條

神氣

內外丹

六氣

養神

存想

養性

吐納

和氣

夜卧

存心中氣

服玉泉

般運捷法

真常子養生

養性之術

藏精養神

養生偈

孫真人養生銘

孫真人養生雜訣

無輕攝養

孫真人十四多

抱朴子十五傷

攝養

衛生五事

善攝生

保養

調攝

真人養生銘

黃能養生

摩面

腎神

心腎肝膽

四損

精氣形

體欲動搖

金石藥之戒

服丹之戒

五石散不可服

服丹之過

服金石藥之戒

金液丹無妄服

川人服丹

烁石不可久服

丹砂之戒

服水銀

服丹多灸風市穴

雷世賢丹藥

服丹自焚

丹發背疽

丹緩其死

婦人

婦人

婦人論

養胎大論

避忌法

轉女為男法

二條視井生男

天癸

十月而生

妊孕避忌

郝翁鑿婦人驗

妊婦不語

半產正產

產難

催生歌

產難厭勝

產後寒風入腹

產婦頭疼寒熱

渴飲五味汁

產難胞衣不出

懷子而不乳

孕婦逆生

產後痲癢

運悶

婦人月水不通及不絕

漏下帶下崩中

四物湯之功

療師尼寡婦別製方

任氏面疾

妊子

二條

卷十

小兒

小兒方

善醫小兒

瘡豆禁雞鴨子

小兒夜啼

小兒不可食雞

治小兒語遲

兒得母寒下痢

小兒感冷身熱

小兒糞青

小兒瀉後脚弱

小兒得地氣方行

小兒初生畏寒

小兒初生回氣

小兒初生服藥

小兒初生通大小便

小兒夜啼有四證

小兒傷乳食發熱

小兒發熱治法

小兒血熱

急慢驚風

小兒吐瀉用藥

小兒瀉痢

小兒解顱

瘡疹

瘡疹有表裏證

瘡疹黏衣用牛糞

剥瘡痂免成癍

瘡疹不可洗面

瘡疹用胭脂塗眼

瘡疹後服清涼飲子

小兒丹毒

小兒吐瀉後成慢驚

小兒初生不飲乳

兒臍出血

兒臍久不乳

薏花浴兒

臍風撮口

瘡

瘡瘍生於頰

木癍成瘡

耳塞敷瘡

壁土治瘡爛

治瘡久不合

治下疳瘡

遍身患瘡

廉瘡

骨瘍

獺髓補瘡

石菖蒲愈瘡

風熱細瘡

風毒濕瘡

患瘡

魚臍瘡

頭瘡禁用水銀

治惡瘡

治善惡瘡

搔髮際成竅出血

病肥脉

傳瘡

病癩

脚瘡

黃連愈癬

五絕病

五絕

治卒死

凍死

溺死

自縊

夏月熱倒人法

疝瘕痺

湧疝

氣疝

牡疝

肺消痺

腎痺

曾痺

熱氣病

脾氣

脾痺

胃疽

醫功報應

許學士

聶醫善士

用詭道以劫流俗

徐樓臺

符助教

水陽陸醫

醫僧瞽報

下胎果報

段承務

鮑君大王

醫不貪色

醫以救人為心

醫說目錄終

醫說卷第一

歷代名醫

三皇

木昊

宋新安張景
季明集

庖犧氏以木德王風姓也。一曰庖犧氏亦曰木昊。蛇首人身生有聖德。母號華胥都於陳作瑟有三十六絃。其理天下也。仰則觀象於天俯則觀法於地。鳥獸之文與地之宜近取諸身遠取諸物。於是造書契以代結繩之政。畫八卦以通神明之德。以類萬物之情。所以六氣六腑五臟五行陰陽水火升降得以有象百病之理得以類推。炎薰因斯乃

嘗味百藥而制九鍼以拯夭枉也

出帝王世紀

炎帝神農氏

炎帝神農氏長於姜水因而姓姜人身牛首生有聖德始教天下耕種五穀而食之以省殺生之弊嘗味百草宣藥療疾以救夭傷之命百姓日用而不知著本草四卷至梁陶弘景以名醫別錄加之為七卷逮于我唐統極英國公李勣許孝宗蘇敬宗等奉詔更復採摭去陶氏之乖違辯俗用之純紊新脩為二十卷于今行焉

出帝王世紀及本草論序

黃帝軒轅氏

黃帝有熊氏少典之子姬姓也長于姬水龍顏有聖德生而能言役使百靈可謂天授自然之體也

猶不能端坐而得道故以地皇九年正月甲子將遊名山以求神僊時方明力牧從焉東到青丘見紫府先生受三皇天文以効召萬神至具茨見太隗君而受神芝圖西見中皇真人受九品之方至羅霍見黃蓋童子受金銀方十九首適崆峒而問廣成子受以自然經造峨嵋山並會地皇君受以真一經入金谷問導養而質玄素二女著體診則問對雷公岐伯伯高少俞之論經脉旁通問難以為經教制九鍼著內外經十八卷陟玉屋山玉關之下清齋三日乃登於玉關之上入瓊林臺於金杙得玄女九鼎神丹飛香爐火之道乃於茅山採禹餘糧烹之得銅遂還荆山之下鼎湖之上參爐

定鼎虎豹萬羣為之視火九鼎神丹成有黃龍下
迎黃帝上昇羣臣後宮從上者七十餘人其小臣
不得上昇乃抱其弓與髀而號故後世因名其處
為鼎湖其弓名曰烏號出帝王世紀及黃帝九鼎丹經

儗貸李

儗貸李神農時臣也。岐伯祖之師神農立方書乃
命儗貸李理色脉對察和劑摩踵詵告以利天下
而人得以繕其生出路

岐伯

岐伯黃帝臣也。帝使岐伯嘗味草木典主醫疾經
方本草素問之書成出焉出素問

鬼史區

鬼史區黃帝臣也。帝與論五運陰陽之道著之丹
版藏之金匱署曰天元紀出素問

少師

少師黃帝時臣未詳其姓。帝與論陰陽表裏憂恚
聲音通天八風究極理道出素問

伯高

少俞

伯高少俞並黃帝時臣未詳其姓。輔佐黃帝詳論
脉經對問難經究盡義理以為經論。故人至于今
賴之出素問

俞跗

俞跗者黃帝臣也。善醫術所治不以湯液醪醴鑿
石躄引湯熨撥剔病之應因五臟之輸乃割皮解

肌決脉結筋搦髓樑荒爪幕湔腸胃漱滌五臟
鍊精盪形以去百病焉出史記

○桐君

桐君者黃帝時臣也。撰藥對四卷及採藥錄。說其
花葉形色論其君臣佐使相須至今傳焉出本草經義論

○雷公

雷公者黃帝時臣也。善醫術黃帝燕坐召雷公而
問之。汝受術誦書者若能覽觀雜學別異比類通
合道理子務明之可以十全。若不能知為世所怨
又曰子知醫之道乎。雷公對曰誦而頗能解解而
未能別。別而未能明。明而未能彰。是以治羣僚不
足以治侯王。雷公遂席再拜曰臣年幼小蒙愚以

惑不聞。臣受業傳之以教。請誦脉經上下篇衆多
矣。至於別異比類猶未能以十全。又安足以明之

出素問

○馬師皇

馬師皇黃帝時醫獸者也。善知馬形氣生死診治
之。輒愈。後有龍下向之垂耳張口。師皇曰此龍有
病我能已之也。乃鍼其唇及口中以甘草湯飲之
而愈。又數數有龍出其陂造而治之。一旦龍負之
而去不知所之也。出列仙傳

○陶唐

平咸

平咸堯臣也。以鴻術為帝堯醫。又世本曰平咸初

作筮

出郭璞巫咸山序及世本

商

伊尹

伊尹成湯臣也。作湯液經

出事物紀原

周

平彭

平彭初作醫。周官曰：五穀五藥養其病，五氣五聲

五色視其生，觀之以九竅之變，參之以五臟之動

遂以五毒攻之，以五藥療之，以五氣養之，以五味

節之，以祛百病。

出史記及周書

矯氏

俞氏

盧氏

矯氏、俞氏、盧氏並周之良醫也。

出列子及初學傳

春秋

醫緩

醫緩春秋時秦人也。未詳其姓。晉悼公病，求醫秦

伯。秦伯使醫緩治之，未至。公夢二豎子相謂曰：彼

良醫也，懼傷我，將焉逃之？其一曰：我居膏之上，汝

居膏之下，若我何？緩至，謂公曰：疾不可為也。在膏

之上，膏之下，攻之不可達之，不及

達為鍼也

藥不至焉

不可為也。公曰：良醫也，厚禮而歸之。

醫和

醫和者春秋時秦人也。未詳其姓。晉侯有病，求醫

於秦伯。秦伯使醫和視之，曰：疾不可為也。是謂近

女室，疾如蠱，非鬼非食，惑以喪志。

惑女色而失志

良臣將

死天命不祐趙孟曰良醫也厚其禮而歸之並出春秋

文摯

文摯者春秋時宋國良醫也洞明醫道亦兼異術龍叔子謂之曰子之術微矣吾有疾子能已之乎文摯則命龍背明而立文摯從後向明而熟視之曰嘻吾見子之心矣方寸之地虛矣幾聖人也子心六孔流通一孔不達今知為惑疾由此乎治之遂愈

醫均

醫均者秦之良醫也莫知其姓張子背腫命均治之張子謂之曰非吾背也任子制焉治之遂愈夫

身之與國亦猶此也必有所委然後治之出尹

鳳網

鳳網者漢陽人也常採百草花水漬之瓮盛封泥自正月始迄九月末又取瓮埋之百日煎丸之卒死者以此藥內口中水下之皆生服網藥者非但疾差數百歲死不沒入地肺山仙去也出神仙傳

戰國

秦長桑君

長桑君者六國時人不知何許人也時人莫有識者扁鵲少時為人舍長舍客長桑君過扁鵲心自奇異之常謹以禮遇長桑君亦知扁鵲非常人也乃悉取其禁方書盡與扁鵲

扁鵲

扁鵲者渤海鄭人也徐廣曰鄭當為鄭姓秦名越

人。至今天下言脉者由扁鵲也出史

子豹 子陽

子豹者秦越人弟子號太子死扁鵲乃使弟子子陽屬鍼砥石以取三陽五會有間太子蘇扁鵲乃使子豹為五分之熨以八減之劑和煮之以熨兩脇下太子遂能起坐焉出史

秦

李醢

李醢為秦太醫令自知伎不如扁鵲遂密使人刺殺之出史

崔文子

崔文子者秦時太山人也志好黃老事居潛山下後作黃散赤丸藥賣之都市自言年三百餘歲後有疫氣人死者萬萬許長史請文子救之文子擁朱旛繫黃散以巡人間飲散服丸即愈所活者以萬計其後去之蜀賣藥故世人云崔文子赤丸黃散近於神也出列仙傳

安期先生

安期先生者琅琊鄉人也賣藥海邊時人謂之千歲公李少君太山採藥病困殆死遇安期安期與之神樓散服一錢七遂愈秦始皇聞之召見與語三日三夜賜金璧數十萬出於阜亭鄉皆置之而

去出列仙傳

西漢

樓護

樓護字君卿齊人也。父為醫護少誦經方本草秘方十萬言長老咸敬重之。共謂之曰以吾子之材何不學乎。由是辭其父學經為京兆令。甚有名譽。出漢書

公孫光

公孫光齊淄川唐里人也。好醫術為當時所重。初淳于意就光家求學光悉以教之曰所授妙方子無以教人。意曰得禁方寶幸甚死不敢妄傳。光曰爾後必為國醫吾方盡矣。臨淄陽慶其方甚奇異。

吾不如也。可謹事之必得其方。意遂辭光而事慶。

席馬出史記

陽慶

陽慶山東齊人也。傳黃帝扁鵲之脉書診病知人生死。

太倉公

太倉公者齊太倉長臨淄人也。姓淳于名意少時喜醫方術。高后八年得見師臨淄元里公乘陽慶。慶有古仙道遺傳黃帝扁鵲之脉書五色診病知人生死決嫌疑定可治。及藥論書甚精。悉受其禁方。

秦信

秦信者不知何許人也。少明敏有度量。好經方。本
幕及黃帝扁鵲之脉書。為當代良醫。

王遂

王遂不知何郡人。少明經。方工於理療。以藝術精
博為齊主侍醫。

宋邑

宋邑者臨淄人也。率性愛人。志尚醫術。就齊太倉
公淳于意學。五脉論之術。為當世良醫。並出史記

馮信

馮信齊臨淄人也。為齊太倉長。性好醫。方精於診
處。而臨淄王猶以其識見未深。更令就淳于意學
方意。教以按法逆順。論藥法定五味及和劑湯法。

信受之。擅名於漢

高期

高期不知何許人也。入仕為濟北主。太醫。主以期
術藝未精。遣就倉公淳于意學經脉高下及奇絡
結俞穴所在。及氣當上下出入邪正逆順。以宜鏡
石定刺灸之法。歲餘亦頗通之。乃以此知名。

羊禹

羊禹不知何郡人也。以藝術為濟北主。太醫。以識
見未精。就倉公意學數歲而通之。以此知名。漢代

唐安

唐安齊臨淄人也。言貌謙恭。風儀溫雅。性好醫術。
就倉公學。意教以五診上下經脉奇咳四時應陰

陽之法乃為齊王侍醫

杜信

杜信不知何許人也。性度溫恭謙柔好學。知是身是病。乃悉心學醫。自欲扶危持顛。兼以安人濟眾。遂詣倉公求學。情理甚懇。意憐之。教以上下經脈五診之法。二歲餘。亦以知名。漢代並出史記

玄俗

玄俗者。莫知其姓字也。自言河間人。恒食巴豆。雲母。賣藥於都市。為人治病。河間王買藥服之。下蛇十餘頭。王問其病源。俗云。王病乃世餘殃。非王所知也。緣王嘗放乳鹿。仁感天心。故遭俗爾。王欲以女妻之。俗夜亡去。不知所之。後有人見於常山之

下馬

出列仙傳

東漢

張機

後漢張機字仲景。南陽人也。受術於同郡張伯祖。善於治療。尤精經方。舉孝廉。官至長沙太守。後在京師為名醫。於當時為上手。時人以為扁鵲倉公無以加之也。出何顯別傳及甲乙經仲景方論序

郭玉

郭玉太醫丞。廣漢人也。和帝試玉之診。使嬖臣美手者與宮人雜處。惟中令玉診之。玉曰。左陽右陰。非一女之脈也。帝甚奇之。出後漢書

涪翁

涪翁者不知姓名釣於涪水因號涪翁精於醫術
所治病不限貴賤皆磨踵救之而不求其報甚為
當代所敬出後漢書

程高

程高廣漢人也性好經方問道無倦有一藝長於
已者必千里伏謁聞涪翁善醫術及鍼經診脉法
尋求積年竟乃得之擅名當代為太醫丞出後漢書

沈建

沈建丹陽人也父為長吏建獨學好道而不肯仕
宦學導引飲食之術延年却老之法又能治病病
無輕重建治輒愈建斷穀不食輕舉飛行或去或
來如此三百餘年乃絕迹不知所之出神仙傳

張伯祖

張伯祖南陽人也志性沉簡篤好方術診處精密
療皆十全為當時所重同郡張仲景異而師之因
有大譽出張仲景方序論

杜度

杜度不知何許人也仲景弟子識見宏敏器宇坤
深淡於驕矜尚於救濟事仲景多獲禁方遂為名
醫出仲景方

衛沉

衛沉不知何郡人也仲景弟子知書疏有小才選
四逆耳部厥經及婦人胎臍經小兒顛顛經方三
卷皆其所制知名當代出仲景方

淮南子

淮南子者淮南王劉安也。通醫道好黃白之術。嘗作內書二十篇。外書甚衆。出東漢書

○蜀漢

李謨

李謨字欽仲梓潼涪人也。通五經諸子無不該覽。博好醫方為庶子遷僕射中散大夫。後在官卒。蜀志

○魏

華佗

華佗字元化沛國醴人也。洞曉醫方兼善養性之術。年百餘歲而貌有壯容。時人謂之僊。出魏志列傳

李當之

李當之不知何許人也。華佗弟子少通醫經尤精藥術。出梁七錄

吳普

吳普廣陵人也。為華佗弟子以醫術知名。性淡善醫方。年九十餘而耳目聰明牙齒完堅。知名當代。出梁七錄

樊阿

樊阿彭城人受術於華佗。遂為名醫。出張湛養性論華佗別論

封君達

青牛道士封君達隴西人也。服黃連五十餘年。又入鳥鼠山服汞百餘歲。後還鄉里視之如年三十。

者常騎青牛聞有疾病殆死者無論識與不識以藥治之應手而愈後入玄丘山仙去出神仙傳及博物志

韓康

韓康字伯休京兆灃陵人常採藥於名山賣於長安市口不二價三十餘年時有女子從康買藥康守價不移女子曰公是韓伯休那此二價康嘆曰我本避名女子皆知有我何用藥為遂入灃陵山中莫知所之出高士傳

吳

呂搏

呂搏少以醫術知名善診脉論疾多所著述吳赤烏二年為太乙令撰平墮鍼經及注八十一難經

大行於代出王隱錢經序

董奉

董奉字君異侯官人也為人治病病愈令種杏五株輕者一株數年之間杏有十萬杏熟以穀一器易一器杏以所得穀賑濟貧乏奉在人間近二百年顏貌若三十許人一旦舉手指天竦身入雲出葛仙傳

負局先生

負局先生吳人也莫知其姓名負石磨鏡人有疾苦即出紫丸赤丸與服無不效後大疫家至戶到與藥活數萬餘人不取錢去時語人曰吾欲還蓬萊山為汝曹下神水崖頭一旦有水色白從石間

流下服多即愈疾出列仙傳

○晉

李子豫

李子豫晉時不知何郡人也。少善醫方當代稱其通靈。許永為豫州刺史。其弟患心腹堅痛十餘年。殆死。夜忽自聞屏風後有鬼謂腹中鬼曰何不促殺之。不然明日李子豫當從此過。以赤丸打殺汝。汝其死矣。腹中鬼對曰吾不畏之。於是許永使人候子豫。子豫果來未入門病者自聞腹中呻吟聲。及子豫入視曰鬼病也。遂於其箱中出八毒赤丸與服。須臾腹中雷鳴。彭轉大利。數行遂差。今八毒丸方是也。出續搜神記

張苗

張苗不知何郡人也。雅好醫術。善消息診處。為時所重。出晉書

王叔和

王叔和高平人也。博好經方。尤精診處。洞識攝養之道。深曉療病之源。採撫羣書。撰成脉經十卷。篇次張仲景方論為三十六卷。大行于世。出張湛養生

趙泉

趙泉不知何許人也。性好醫方。拯救無倦。善療眾疾。於瘡尤工。為時嘆服。

皇甫謐

皇甫謐字士安。幼名靜。安定朝郡人也。沉靜寡慾。

殆有高尚之志以著述為務自得風痺疾因而學醫習覽經方手不輟卷遂盡其妙

裴頌

裴頌通博多聞兼明醫術言古尺與世所用短四分須改太醫權衡此若差遺藥物輕重分兩互乖所以夭傷為甚古壽考今短折未必不由此也

裴顛

裴顛字逸之河東人也多學術善醫經診處通明方藥精當于時名醫碩學咸皆嘆服官至尚書左僕射

並出晉書

劉德

劉德彭城人也少以醫方自達長以才知名當朝

縉紳伏膺附響工治衆疾於虛勞不足尤見精通療之隨手而愈由是承流向風千里而來者多矣官至太醫校尉

史脫

史脫不知何郡人器性沉毅志行敦簡善診候明消息多辯論以醫精專拯療工奇拜太醫校尉治黃疸病最為高手

宦泰

宦泰不知何郡人幼而岐嶷長而聰敏靜好墳典雅尚方術有一藝長於已者必千里尋之善診諸疾療上氣尤異制三物散方治喘嗽上氣甚有異效世所貴焉

靳邨

靳邨不知何許人也。性明敏有才術。本草經方誦覽通究。裁方治療。意出衆見。創置五石散方。晉朝士大夫無不服餌。獲異效焉。

阮侃

阮侃字德好。陳留尉氏人也。幼而聰慧。長而好學。性沉靜。有大度。以秀才為郎。游心方伎。無不通。會於本草經方。療治之法。尤所耽尚。官至河內太守。

張華

張華字茂先。范陽方城人也。學業優博。辭藻溫麗。精於經方。本草診論。工奇理料。多效。

出晉書及徐廣晉紀

蔡謨

蔡謨字道明。不知何許人。素以儒道自達。治莅知名。性有道風。耽尚醫術。常覽本草經方。手不釋卷。及授揚州刺史。將之任。渡江食蟹。誤中彭蜺毒。殆死。嘆曰。讀爾雅不熟。為學所誤焉。

出晉紀

支法存

支法存者。嶺表僧人也。幼慕空門。心希至道。而性敦方。藥尋覽無厭。當代知其盛名。自永嘉南渡。晉朝士夫不襲水土。所患皆脚弱。唯法存能拯濟之。

出千金方序

仰道士

仰道士嶺表之僧人也。少以聰慧入道。長以醫闕。懷因晉朝南移。衣纓士類不襲水土。皆患軟脚之

疾染者無不斃路而此僧獨能療之天下知名焉
出千金方論序

葛洪

葛洪字稚川丹陽句容人也廣覽衆書及諸史百家之言下至短雜文章僅得萬卷自號抱朴子善養生之術明拯救之法撰經效諸藥方三卷名曰肘後出晉中興書

殷仲堪

殷仲堪陳郡人父病積年衣不解帶躬學醫方究其精妙出晉書

程處

程處不知何許人志性沉毅雅有度量少以醫術

知名為太醫令出晉中興書

范汪

范汪字玄平不知何郡人少孤年六歲過江依外家新野庾氏賓于園中布衣蔬食燃薪寫書畢讀誦亦遍遂博通百家之言性仁愛善醫術嘗以拯恤為事凡有疾病不以貴賤皆治之所活十愈八九出晉中興書

宋

王纂

王纂者海陵人也習經方尤精鍼石遠近知其盛

名出劉穎叔異苑

胡洽

胡洽道士不知何許人。性尚虛靜。心栖至道。以拯
救為事。醫術知名。

徐熙

徐熙字秋夫。不知何郡人。時為射陽令。善醫。名聞
海內。

道度

道度熙之長子也。器宇宏深。節行清敏。少精醫術。
長有父風。位至蘭陵太守。

叔嚮

叔嚮熙之次子也。志性溫恭。敏而好學。善於政理。
尤工醫術。官至太山太守。

薛伯宗

並出宋書

薛伯宗不知何許人。善以禁氣治人病。

出宋書及吳均齊書

徐仲融

徐仲融不知何郡人。為濮陽太守。性好黃老。隱秦
望山。有道士過之。求飲。因留。一胡蘆。遺之曰。君習
之子孫。當以道術救世。位至二千石。仲融開視。乃
扁鵲鏡經一卷。因精心學之。名振海內。仕至濮陽
太守。

徐文伯

徐文伯字德秀。東陽人也。為太山太守。素有學行。
篤好醫術。

徐嗣伯

徐嗣伯東陽人也。文伯之弟。志節慷慨。超然不羣。

少負其才雅有異術而性行仁愛經方診訣占候靡不詳練悉心拯救不限貴賤皆磨踵救之多獲奇效特為當代所稱

並出宋書

僧深

僧深齊問道人也少以醫術知名療脚弱脚氣之疾為當時所服撰錄法存等諸家舊方三十餘卷經用多效時人號曰深師

出千金方序論

劉涓子

劉涓子不知何許人晉末於丹陽郊外較射忽有一物高二丈許因射而中之走如電激聲若風雨夜不敢追明日率門人弟子鄰巷數十人尋其踪跡至山下見一小兒問曰何往小兒云主人昨夜

為劉涓子所射取水以洗瘡因問小兒主人是誰答曰是黃父鬼乃依小兒還未至聞搗藥聲遙見三人一人卧一人閱書一人搗藥即齊聲叫突而前三人並走遺一帙癰疽方并一曰藥時涓子得之從宋武帝北征有被創者以藥塗之隨手而愈論者謂聖人作事天必助之蓋天以此授武帝也涓子用方為治千無一失演為十卷號曰鬼遺方

出龔慶宣鬼遺方序

羊昕

羊昕字敬元不知何許人志好文儒性敦方藥蒞事詳審診療精能以拯濟功奇累遷中散大夫義興太守

秦承祖

秦承祖不知何郡人也。性耿介有決斷。當時名人咸歸伏而專好藝術。精於方藥。不問貴賤皆治療之。當時稱之為上手。並出宋書

○南齊

張子信

張子信河內人也。清靜好文學。少以醫術知名。太寧中徵為尚藥典御。出齊書

馬嗣明

馬嗣明河內野王人。少明醫術。診脈即知人生死。視徐之才等蔑如也。出齊書

張遠遊

張遠遊齊人也。以醫藥道術知名。尋有詔徵令與錢術士同合九轉金丹。丹成顯祖置之玉匣。曰：貧人問藥不能飛上天。待我臨死方可服。出齊書

○北齊

顧歡

顧歡字玄平。吳郡人也。隱於會稽山陰白石村。歡率信仁愛。素有道風。或以襁厭而多所全護。有病邪者以問歡。歡曰：君家有書乎？曰：唯有孝經。可取置病人枕邊。恭敬之。當自差。如言果愈。問其故。曰：善襁惡正勝邪。出吳均齊春秋

李元忠

李元忠騎大將軍。兼中書令。晉陽縣伯。趙郡栢仁。

人也。初以母老多患，遂通集方術志，性仁恕，疾病療之無問貴賤。出北齊書

李密

李密，殿中尚書、濟州刺史、容城縣侯，食邑四百戶。字希鬲，平棘人也。密方直，有至行，母病積年不愈，乃習經方，遂臻其妙，多所獲全，由是知名。

崔季舒

崔季舒，字叔正，博陵安平人也。少孤，明敏，有識涉獵經史，素好圖籍，長於尺牘，有經世才，精於醫術。經方本草，常所披覽，不限貴賤，皆拯治之。出北齊書

祖珽

祖珽，字孝徵，范陽狄道人。博學善屬文，尤長於

醫術。出北齊書

褚澄

褚澄，齊尚書吳郡太守，字彥通，雅有才量，博好經方，善醫術，診處上候，究盡其疾病，療之無貴賤，皆先審其苦樂，榮悴鄉壤風俗水土所宜，氣血強弱，然後裁方用藥，至於寡婦僧尼，必有異乎妻妾之療。

鄧宣文

鄧宣文，不知何許人，少以醫術知名，志性方直，除

太醫尚藥典御。出北齊書

顏光祿

顏光祿，不知何許人，嘗云詮三品藥性，以本草為

主道經仙方服食斷穀延年却老乃至飛丹鍊石之奇雲騰羽化之妙莫不以藥道為先用藥之理一同本草但制御之途小異世法大略所用不多遠至二十餘物或單行數種便致大益是其服食歲月深積即本草所云故能臻其所極以致遐齡豈但充體愈疾而已哉

出本草

徐審

徐審字成伯丹陽人也與兄文伯皆善醫審性秘忌承奉不得意雖貴如王公不為措療魏孝文遷洛除中散大夫文伯事南齊位至太山蘭陵守

出南

齊書

徐雄

徐雄審之子也為負外散騎侍郎醫術為江左所稱重至子之才貴盛贈太常卿兗州刺史

出南齊書

龍樹王菩薩

龍樹大士者能治眼疾假莫說集治七十二種目病之方名曰龍樹眼論

出佛經

徐之才

徐林卿

徐同卿

徐之才金紫光祿大夫開府儀同三司尚書令西陽郡王字士茂高平金鄉人幼而俊發酬應如響善醫有機辯武明皇太后不豫之才奉藥立愈肅宗召與同坐令皇太子拜之贈帛千段錦四百疋車馬衣服上利田園千畝長子林字少卿大尉司馬次子同卿太子庶子亦醫術知名

出北齊書

○後魏

王顯

王顯字世榮陽平人也。頗叅士流。雖以醫術自達。而明敏有決斷才。初聞昭懷皇后之懷。世宗夢為日所逐。化為龍而繞后。后寤而驚悸。遂成心疾。敕召諸醫及顯為后診脉。徐審言是微風入臟。宜進湯藥。及加鍼灸。顯診云。按三部。非有心疾。將是懷孕生男之象。後果如顯言。乃補御史。出後魏書

梁

陶弘景

梁陶弘景。字通明。丹陽人。母郝氏。夢兩天人手執香爐來至其所。既而有孕。以孝建三年。

夏至日生。幼而警慧。博學通經。有志養生。性好醫方。專於拯濟。利益羣品。故脩撰神農本草經三卷。出梁書及藝文雜類

周

徐之範

徐之範。儀同大將軍。太常卿。恒山太守。嗣西陽王。即北齊之才之弟也。亦以醫術知名。官至太常卿。襲兄爵為西陽王。齊滅。入周。拜儀同大將軍。出後周書

杜善方

杜善方。不知何許人。京兆醫工也。以本草藥名。隨類解釋。刪去重複。又附以諸藥制。使畏惡解毒。相反相宜者。撰本草性事類一卷。出本草

○隋

徐敏齋

徐敏齋太常卿之範之子也。工醫博覽多藝。開皇中贈朝散大夫。出隋書

許智藏

許智藏高陽人。幼嘗以母疾博覽醫方。世號名醫。仕陳為散騎侍郎。會秦孝王俊有疾。上馳召之夜。夢其亡妃崔氏泣曰。本來相迎。聞許智藏將至。其人若到。當必相苦。為之奈何。明夜俊又夢崔氏曰。妾得計矣。當入靈府中避藏。至為俊診脉曰。疾已入心。即當發癘。不可救也。果如其言。出隋書

巢元方

巢元方不知何許人也。大業中為太醫博士。奉詔撰諸病源候論五十卷。罔不該集。出宋宣獻撰巢氏病源序

楊上善

楊上善不知何許人。妙通醫術。述黃岐素問內經靈樞之秘纂而為太素。

全元起

全元起者隋末人。訓解素問八卷。嘗有說云。素者本也。問者黃帝問岐伯也。方陳性情之原五行之本。故曰素問。出素問註

○唐

蘇恭

蘇恭顯慶中為行右監門府長史。騎都尉。表請脩

唐本草撫陶氏之乖違辯俗用之純素書上甚重

之出本
草序

甄權

甄權許州扶溝人嘗以母病與弟立言專心醫方遂究其妙

甄立言

甄立言權之弟也以母病專心習醫遂盡其妙武
德中累遷太常丞御史大夫杜淹患風毒發腫木
宋令立言治之既而奏曰更二十一日午時死果
如其言

宋俠

宋俠者不知何郡人也性明敏有學術於經方亦

草尤所敦尚竟以醫術知名

許胤宗

許胤宗常州義興人初仕陳為新蔡王外兵參軍
時柳太后感風不能言脉益沉而禁胤宗曰口不
下藥宜以湯氣蒸之令藥入腠理周時可差遂造
黃耆防風湯數十斛置於牀下氣如烟霧如其言
便得語由是超拜義興太守

並出
唐書

孫思邈

孫思邈雍州華原人七歲就學日誦千言善談莊
老百家之說性好醫術但是經方無不該覽撰并
金等方行于世

藥王韋慈藏

韋慈藏京兆人。天后時以醫術知名仕為光祿卿

處士蕭炳

蕭炳蘭陵人。知醫術取本草藥名每上一字以四聲相從作四聲本草五卷以便討閱

出本草

李虔縱

李虔縱洛陽人。天后時為侍醫精於醫術與張文仲韋慈藏等撰諸藥方行于代

出唐書

楊玄操

楊玄操唐歙縣尉洞曉醫道演越人難經編次為十三類

出昭德讀書錄

張文仲

張文仲洛州洛陽人。以醫術著名則天時為侍御

醫尤善療風疾則天令撰療風諸方奏曰風有一百二十種氣有八十種大抵雖同人性各異唯氣頭風則隨其發動臨時消息之。但有風氣之人。春末夏初及秋暮要得通洩即不至困劇

孟詵

孟詵者汝州梁人也。以進士擢第垂拱初累遷鳳閣舍人少好方術以藥餌為事撰補養必效方行於世

王冰

王冰號啓玄子實應中為太僕令篤好醫方得先師所藏太素及金元起訓解大為次註素問合八十一篇二十四卷且序曰將升岱岳非逕奚為欲

詣扶桑無舟莫適乃精勤博訪而并有其人歷十二年方臻理要詢謀得失深遂夙心出林先祿素問序

元珠先生

元珠先生不知何許人隱顯莫測惟太僕令王冰識其為異人乃師事之元珠洞明素問究極微奧密授妙旨教王冰五臟六氣修煉養生之法草石性理祛邪去疾諸神方由是冰乃注本經素問至為醫家宗範出神仙傳

楊損之

楊損之不知何許人通醫道以本草諸書所載藥類頗繁難於看檢乃去其不急者著刪繁本草五卷官潤州醫博士兼節度隨軍出本草

王方慶

王方慶大原人也雅有材度博學多文篤好經方精於藥性

秦鳴鶴

秦鳴鶴不知何許人也為高宗侍醫並出唐史

許孝宗

許孝宗為尚藥奉御與蘇恭等撰本草并圖經目錄五十四卷考同異擇去取定羣言之得失備庶物之形容極盡醫術之妙至今傳焉

張鼎

張鼎嘗閱孟詵所撰食療本草有不足者因補八十九種合為二百二十七條

陳藏器

陳藏器唐開元中為三原尉撰本草拾遺十卷以補陶蘇未備

李含光

李含光不知何許人撰本草音義行于世

五代

孟昶

蜀主孟昶亦通醫理嘗叅比唐本草圖經增益成書謂之蜀本草自為之序今亦傳行

韓保昇

韓保昇偽蜀翰林學士嘗以神農本草唯上中下並序錄合四卷唐本草圖經亦有未盡乃與術家

各自參較刪定補緝辯證稍增註釋作蜀本草十卷

陳士良

陳士良偽唐劍州醫學助教撰食性本草載食醫諸方明五時調養臟腑之術

唐慎微

唐慎微蜀人以醫術稱因本草舊經衍以證類增藥六百餘種醫方之外旁摭經史仙經佛書傳記之說合唐蜀兩本草為一書殊為詳博

醫說卷第一

醫說卷第二

○醫書

醫書

宋新安張景

李明集

皇甫謐帝王世紀曰黃帝命雷公岐伯教制九鍼
著內外經素問之書咸出焉黃帝內傳曰帝昇為
天子鍼經脉訣無不備也故金匱甲乙之類皆祖
黃帝

黃帝與岐伯問難

黃帝御極坐明堂之上臨觀八極考建五常以謂
人生負陰而抱陽食味而被色寒暑相盪喜怒交
侵乃與岐伯上窮天紀下極地理遠取諸物近取

諸身更相問難。雷公之倫授業傳之，而內經作矣。蒼周之興，秦紀述六氣之論，具明於左史。厥後越人得其一二，演述難經。西漢倉公傳其舊學，東漢仲景撰其遺論，晉皇甫謐次為甲乙，隋楊上善纂為太素。唐王冰篤好之，大為次註。林億素問序

○素問惟八卷

班固曰：內經十八卷，素問即其經之九卷，兼靈樞九篇，乃其數焉。雖年代移革，而授學猶存，懼非其人時有所隱，故第七一卷師氏藏之。今之奉行，惟八卷爾。周有和緩，漢有淳于公，魏有張公華，公皆得斯道之妙者也。出王冰素問序

○鑿之起

帝王世紀曰：黃帝使岐伯主典鑿藥以療衆疾，說文曰：平彭初作醫。呂氏春秋亦曰：平彭始作醫。

○方書所出

諸方書藥法雖損益隨時，大抵祖述黃帝。如脈訣之出於晉王叔和，病源出於隋巢元方，湯液經出於商伊尹，傷寒論出於漢張機，千金備急出於唐孫思邈，外臺秘要出於唐王珪，皇朝本宗集天下名方為太平聖惠，其餘紛紛無代無之。高氏小史曰：炎帝作藥方以時救疾。出事物紀原

○難經

帝王世紀曰：黃帝命雷公岐伯論經脈旁通問難八十一章為難經。楊玄操難經序曰：黃帝八十一

難經者秦越人所作。按黃帝內難經二秩。秩九卷。其義難究。越人乃採精要八十一章為難經。上同

。陸軍公哀方書

陸軍公在忠州。哀方書以度日。非特假此以避禍。蓋君子之存心無所不用其至也。前輩名士往往能鑿非惟衛生。亦可及物。而今人反耻言之。近時士大夫家藏方或集驗方。流布甚廣。皆仁人之心。本草單方。近已刻於四明。及本朝諸公文集雜說中。名方尚多。未見有類而傳之者。予屢欲為之。恨藏書不廣。倘有能用于言集以傳諸人。亦濟物之一端也。

。本草

百藥自神農始

淮南子曰。神農始嘗百草之滋味。當此之時。一日而七十毒。世本曰。神農和藥濟人。則百藥自神農始也。世紀或云。伏羲嘗味百草。非也。梁陶弘景本草序曰。神農氏王天下。宣藥療疾。以拯夭傷。高氏小史曰。炎帝嘗百藥以治病。嘗藥之時。百死百生。帝王世紀曰。炎帝嘗味草木。宣藥療疾。著本草四卷。至梁陶弘景。唐李世勣等。注叙為二十卷。

。皇朝開寶中重校定

仁宗嘉祐中。命掌禹錫等集類諸家叙藥之談。為補注本草。唐書于志寧傳。志寧云。班固惟記黃帝內外經。不載本草。齊七錄乃稱之。世謂神農嘗藥。

黃帝以前文字不傳以識相傳至相雷乃載篇冊
然所載郡縣多漢時事張仲景華佗輩竄記其語
梁陶弘景云此書應與素問同類其餘多與志寧
之說同出事物紀原

○藥有君臣佐使

藥有君臣佐使。大抵養命之藥則多君。養性之藥
則多臣。療病之藥則多佐使。猶依本性所主而兼
復斟酌詳用此者益當為善。

○用藥增減

千金方云夫衆疾積聚皆起於虛。虛生百病。積者
五臟之所積。聚者六腑之所聚。如斯等疾多從舊
方不做增損。虛而勞者其弊萬端。宜應隨病增減。

聊復審其冷熱記其增損之主耳。虛勞而頭痛復
熱加枸杞。萎蕤。虛而欲吐加入參。虛而不安亦加
人參。虛而多夢紛紜加龍骨。虛而多熱加地黃。牡
蠣。地膚子。甘草。虛而冷加當歸。芎藭。乾姜。虛而損
加鍾乳。棘刺。菴蓉。巴戟。天。虛而大熱加黃芩。天門
冬。虛而多忘加茯苓。神。遠志。虛而驚悸不安加龍齒。
沙參。紫石英。小草。若客熱則用沙參。龍齒。不冷不
熱皆用之。虛而口乾加麥門冬。知母。虛而吸吸加
胡麻。覆盆子。栢子仁。虛而多氣。蒸微咳加五味子。
大棗。虛而身強。腰中不利加磁石。杜仲。虛而多冷
加桂心。吳茱萸。附子。烏頭。虛而勞小便赤加黃芩。
虛而客熱加地骨皮。白朮。黃芪。白朮地名。虛而冷用隴

四黃芪。虛而痰復有氣用生薑半夏枳實。虛而小腸利加桑螵蛸龍骨雞胍。虛而小腸不利加茯苓澤瀉。虛而損溺白加厚朴。諸藥無有一一歷而用之。但擬體性冷熱的相主對。聊叙增損之一隅。處方者宜準此。

○藥有宣通補洩。藥有宣通補洩。輕重澀滑燥濕。此十種者是藥之大體。而本經都不言之。後人亦未述。遂令調合湯丸有昧於此者。至如宣可去壅。即薑橘之屬是也。通可去滯。即通草防己之屬是也。補可去虛。即人參羊肉之屬是也。洩可去秘。即葶藶大黃之屬是也。輕可去實。即麻黃葛根之屬是也。重可去怯。即

磁石鐵粉之屬是也。澀可去脫。即牡蠣龍骨之屬是也。滑可去著。即冬葵榆皮之屬是也。燥可去濕。即桑白皮赤小豆之屬是也。濕可去枯。即紫石英白石英之屬是也。只如此體皆有所屬。凡用藥者審而詳之。則靡所遺失矣。

○本草黑白字

滕元發云一善醫。惟取本草白字藥用之多。驗蘇子容云黑字者是後漢人益之。

○藥有陰陽配合

本草云凡天地萬物皆有陰陽大小各有色類。尋究其理。並有法象。故毛羽之類皆生於陽而屬於陰。鱗介之類皆生於陰而屬於陽。所以空青法木

故色青而主肝。丹砂法火故色赤而主心。雲母法金故色白而主肺。雌黃法土故色黃而主脾。磁石法水故色黑而主腎。餘皆推之例可知也。

○誤注本草

張文潛好食蟹。晚苦風痺。然嗜蟹如故。至剔其肉滿貯巨盃而食之。嘗作詩曰。世言蟹毒甚。過食風乃乘風。淫為末疾。能敗股與肱。我讀本草書。美惡未有憑。筋絕不可續。蟹續牢如絙。骨痿用蟹補。可使無騫崩。凡風待火出。熱甚風廼騰。中言若遇蟹。其快如霜冰。俗傳未必忘。但恐殊愛憎。本草起東漢。要之出賢能。雖失諒不遠。竟跖終殊稱。書生自信書。俚說徒營營。文潛為此詩。殆嗜蟹之僻而為。

之辯耶。抑真信本草也。如河豚之目并其子。凡血皆有毒。食者每剔去之。其肉則洗滌數十過。俟色如雪。方敢烹。故梅聖俞詩云。烹魚苟失所。入喉為鏃。鉞而大觀本草。乃云河豚性溫。無毒。所謂注本草誤。而能殺人者。殆此類耶。

○藥名之異

本草一物而有數名者。詳載本經。至有日常用之藥。乃有異名。一時難以尋討。今直指其名表而出之。庶有益於後學。牡蒙乃紫參。衛矛即鬼箭。紫葳今凌霄花。蘘香子即茴香也。莎草根今香附子。是北庭砂乃礪砂。若苦椶櫚。苦茶也。無食子。沒石子。是南燭枝。今烏飯葉。菰相菱筍也。惡實即牛蒡子。

蠹實即馬蘭。淫羊藿即仙靈脾。假蘇是荊芥。葫是
大蒜。牙子乃狼牙。馬勃乃馬屁菌也。商陸即章柳
根。敗天宮人戴竹笠之敗者。薰陸香乳香。訶梨勒
初未成實。風吹之墜地。謂之隨風子。太平廣記載
南威橄欖也。石蜜櫻桃。盧橘枇杷也。木蜜棗也。塵
塵也。葱白涼青熱通九竅。韭白暖地之羊肉也。青
涼閉九竅。萊菔乃蘿蔔。小草即遠志。葉半天河竹
籬頭水也。薯蕷今之山藥。神屋即龜甲。五靈脂寒
號虫糞也。芟實菱角也。烏芋即慈菇。蚤休即紫荷
車。浮石蟹條下慎火。草即景天也。

○鍼灸

鍼灸之始

帝王世紀曰。太昊畫八卦以類萬物之情。六氣六
府五臟五行。陰陽四時。水火升降。得以有象。百病
之理。得以有類。乃制九鍼。又曰黃帝命雷公岐伯
教制九鍼。蓋鍼灸之始也。

○明堂

今醫家記鍼灸之穴。為偶入。點誌其處。名曰明堂。
按銅人腧穴圖序曰。昔黃帝問岐伯以人之經絡。
窮妙于血脉。參變乎陰陽。盡書其言。藏於金蘭之
室。暨雷公請問。乃坐明堂以授之。後世言明堂者。
以此並事物紀原

○妙鍼獺走

宋人王綦。海陵人。少習經方。尤精鍼石。遠近知其

盛名宋元嘉中縣人張方女日暮宿廣廟門下夜有物假作其婿來女因被魅惑而病纂為治之始下鍼有獺從女被走出病因而愈

出劉頴叔異苑

○鍼芻愈鬼

徐熙字秋夫不知何郡人時為射陽令少善鑿方名聞海內嘗夜聞有鬼呻吟聲凄苦秋夫曰汝是鬼何所須答曰我姓斛名斯家在東陽患腰痛死雖為鬼而疼痛不忍聞君善術願相救濟秋夫曰汝是鬼而無形云何所措治鬼曰君但縛芻為人索孔穴鍼之秋夫如其言為鍼腰四處又鍼肩井三處設祭而埋之明日一人來謝曰蒙君鑿療復為設祭病除饑解感惠實深忽然不見當代稱其

通靈長子道度次子叔嚮傳其術焉

出唐書

○鍼愈風手

唐甄權許州扶溝人常以母病與弟立言專習鑿方遂究其妙隋開皇初為祕書省正字後稱疾除魯州刺史庫狄欽苦患風手不得引諸鑿莫能療權謂曰但將弓箭向躲一鍼可以射矣鍼其肩髃一穴應時愈貞觀中卒一百三歲太宗幸其家視其飲食訪以藥性因授朝散大夫賜几杖衣服其脩撰脉經鍼法明堂人形圖各一卷至今行用焉

上同

○許希善鍼

天聖中仁宗不豫國鑿進藥久未効或薦許希善

用鍼者。召使治之三。鍼而疾愈。所謂與龍穴是也。
在宋大喜。遽命官之。賜予甚厚。希既謝上。復西北
再拜。在宋恠問之。希曰。臣師扁鵲廟所在也。在宋
嘉之。是時孔子之後。久失封爵。故顏太初作許希
詩以風之。於是詔訪孔子四十七代孫襲封文宣
王。出皇朝類苑

○鍼法

善用鍼者。從陰引陽。從陽引陰。以右治左。以左治
右。以我知彼。以表知裏。

○鍼愈風眩

秦鳴鶴為侍醫。高宗苦風眩。頭重目不能視。武后
亦幸災異。逞其志。至是疾甚。召鳴鶴。張文中診之。

鳴鶴曰。風毒上攻。若刺頭出少血。即愈矣。天后自
簾中怒曰。此可斬也。天子頭上豈是試出血處耶。
上曰。鑿之。議病。理不加罪。且吾頭重悶。殆不能忍。
出血未必不佳。命刺之。鳴鶴刺百會及腦戶。出血。
上曰。吾眼明矣。言未畢。后自簾中頂禮拜謝之曰。
此天賜我師也。躬負繒寶以遺鳴鶴。

○鍼鼻生贅

狄梁公性好鑿藥。尤妙鍼術。顯慶中。應制入關。路
傍大榜云。能療此兒。酬絹千匹。有富室兒。鼻端生
贅。如拳石。綴鼻根。帝如筋痛。楚危。亟召為腦後下
鍼。疣贅應手而落。其父母輦千緡奉焉。公不顧而

去。出集異記

○筆鍼破癰

李王公主患喉癰數日痛腫飲食不下纔召到醫官言須鍼刀開方得潰破公主聞用鍼刀哭不肯治痛逼水穀不入忽有一草澤醫曰某不使鍼刀只用筆頭蘸藥癰上霎時便潰公主喜令召之方兩次上藥遂潰出膿血一盞餘便寬兩日瘡無事令供其方醫云乃以鍼繫筆心中輕輕劃破其潰散爾別無方言醫者意也以易取效耳

出名醫錄

○鍼瘤巨虱

臨川有人瘤生頰間痒不可忍每以火烘灸則差止已而復然於患甚苦醫者告之曰此真虱瘤也當剖而出之取油紙圍頂上然後施砭瘤才破小虱

涌出無數最後一白一黑兩大虱皆如豆殼中空無血與頰了不相干略無癢痕但瘤所障處正白

爾出丁志

○善鍼

無為軍張濟善用鍼得訣於異人能親解人而觀其經絡則無不精因歲饑疫人相食凡視一百七十人以行鍼無不立驗如孕婦因仆地而腹偏左鍼右手指而止久患脫肛鍼頂心而愈傷寒反胃嘔逆累日食不下鍼眼即立能食皆古今方書所不著陳瑩中為作傳云藥王藥王為世良醫嘗草木金石多數凡十萬八千悉知鹹淡甘辛等味故從味因悟入益知今醫家別藥口味者少矣

出亦代開

錄見

○捫腹鍼兒

朱新仲祖居桐城時親戚間有一婦人妊孕將產七日而不下藥餌符水無不用待死而已名鑿李樂道偶在朱公舍朱引至婦人家視之李曰此百藥無所施惟有鍼法吾藝未至此不敢措手爾遂還而樂道之師龐安常適過門遂同謁朱朱告之故曰其家不敢屈公然人命至重公能不惜一行救之否安常許諾相與同往才見孕者即呼曰不死令其家人以湯溫其腰腹間安常以手上下拊摩之孕者覺腸胃微痛呻吟間生一男子母子皆無恙其家驚喜拜謝敬之如神而不知其所以然

安常曰兒已出胞而一手誤執母腸胃不復能脫故雖投藥而無益適吾隔腸捫兒手所在鍼其虎口兒既痛即縮手所以遽生無他術也試令取兒視之右手虎口有鍼痕其神如此

出泊宅編

○鍼急喉閉

於大指外邊指甲下根齊鍼之不問男女左右只用入家常使鍼鍼之令血出即効如大段危急兩手大指俱鍼之其功甚妙

出庚志

○砭石

砭石謂以石為鍼也山海經曰高氏之山有石如玉可以為鍼則砭石也

○刺誤中肝

督郵徐毅得病華佗往省之。毅謂佗曰：「昨使鑿曹使劉祖鍼胃管訖，便苦咳嗽，欲卧不安。」佗曰：「刺不得胃管，誤中肝也。食當日減，五日不救。」如佗言。三出

國志

○九鍼

九鍼上應天地陰陽。一、天。二、地。三、人。四、時。五、音。六、律。七、星。八、風。九、野。一、鍼皮。二、鍼肉。三、鍼脉。四、鍼筋。五、鍼骨。六、鍼調陰陽。七、鍼益精。八、鍼除風。九、鍼通九竅。除三百六十五節氣。一、鑱針。二、圓針。三、鍉針。四、鋒針。五、錐針。六、員針。七、毫針。八、長針。九、大鍼。

○工鍼

僧海淵閩人也。工針砭。天禧中入吳楚游京師，寓

相國寺中。書令張士遜疾國鑿拱手淵一鍼而愈。由是知名。既老歸蜀。范景仁賦詩餞之云：「舊鄉山水遶禪扃。日日山光與水聲。歸去定貪山水樂。不教魂夢到神京。」太平二年化去。張唐英貽之以偈曰：「言生本不生。言滅本不滅。覺路自分明。勿與迷者說。」劉季孫銘其塔曰：「資身以鑿，有聞於時。餘幣散之，拯人於危。此士君子所難嗟乎師。」

○鍼舌底治舌出不收

王況字子享，本市人。為南京宋毅叔婿。毅叔既以鑿名，擅南北。況初傳其學，未精。薄游京師，甚悽然。會鹽法忽變，有大賈覩，揭示失驚，吐舌遂不能復入。經旬食不下咽，尪羸日甚。國鑿不能療，其家憂

懼榜於市曰有治之者當以千萬為謝。況利其所售之厚，姑往應其求。既見賈之狀，忽發笑，不能制心，以謂易措手也。其家人怪而詰之。況謬為大言，答之曰：「所笑者輦轂之大如此，乃無人治此疾耳。」語主人家曰：「試取鍼經來。」況謾檢之，偶有穴與其疾似者。況曰：「爾家勒狀與我萬一不能治，則物猶與我當為鍼之可立効。主者不得已，亦從之。」急鍼舌之底，抽鍼之際，其人若委頓狀，頃刻舌遂伸縮如平時矣。其家人喜謝之如約。又為之延譽，自是翕然名動京師。既小瘳，始得盡心肘後之書，卒有聞於世事之。偶然有如此者，況後以鑿得幸，直和中之為，朝請大夫，著《全生指迷論》一書，鑿者多用。

之

出王明
清餘話

艾謂之一壯

醫用艾一灼謂之一壯，以壯人為法也。其言若干壯，壯人當依此數，老幼羸弱量力減之。出類苑

灸背瘡

京師萬勝門荆負王超，忽覺背上如有瘡，隱起倩人看之，已如盞大。其頭無數，或教往梁門裏外金龜兒張家買藥。張視頰眉曰：「此瘡甚惡，非藥所能治，只有灼艾一法，庶可冀望。」萬分然恐費力，乃撮艾與之曰：「且歸家試灸瘡上，只怕不疼，直待灸疼方可療耳。」灼火十餘，殊不知痛。妻守之而哭，至第十三壯，始大痛。四傍惡肉捲爛，隨手墮地，即似稍

愈再詣張謝張付藥敷貼數日遂安則知癰疽發於背脇其捷法莫如灸也

出類編

蒜灸癰疽

凡人初覺發背欲結未結赤熱腫痛先以濕紙覆其上立視候之其紙先乾處則是結癰頭也取大蒜切成片如當三錢厚薄安在頭上用大艾炷灸之三壯即換一蒜片痛者灸至不痛不痛者灸至痛時方住最要早覺早灸為上一日二日十灸十活三日四日六七日五日六日三四活過七日不可灸矣若有十數頭作一處生者即用大蒜研成膏作薄餅鋪頭上聚艾於蒜餅上燒之亦能活也若背上初發赤腫一片中間有一粟米大頭子便

用獨頭蒜切去兩頭取中間半寸厚薄正安於瘡上却用艾於蒜上灸二七壯多至四十九壯

江寧府

極觀因掘得石碑載之

灸瘰癧

女童莊妙真頃緣二妹坐瘰癧不起餘孽亦駸駸見及偶一趙道人過門見而言曰汝有瘰癧不治何耶答曰喫了多少藥弗効趙笑曰吾得一法治此最易當以癸亥夜二更六神皆聚之時解去下體衣服於腰上傍徹陷處鍼灸家謂之腰眼直身平立用筆點定然後上床合面而卧每灼小艾炷七壯勞虫或吐出或瀉下即時平定斷根不發更不傳染敬如其教因此獲全生

出類編

○灸效逆法

予族中有病霍亂吐痢垂困忽發效逆半月之間
遂至危殆有一客云有灸逆法凡傷寒及久疾得
效逆皆為惡候投藥皆不效者灸之必愈予遂令
灸之火至肌效逆已定元豐中予為鄜延經略使
有幕官張平序病傷寒已困一日官屬會飲通判
延州陳平裕忽言張平序已屬續求往見之于問
何遽至此云效逆其氣已不屬予忽記灸法試令
灸之未食頃平裕復來喜笑曰一灸遂差其法乳
下一指許正與乳相直骨間陷中婦人即屈乳頭
度之乳頭齊處是艾炷如小豆許灸三壯男灸左
女灸右只一處火到肌即差若不差則多不救矣

出良方

○灸鼻衄

徐德詹救衄者忽灸項後髮際兩筋間宛中三壯
立止蓋血自此入腦注鼻中常人以線勒項後尚
可止衄此灸決效無疑同上

○灸牙疼法

隨左右所患肩尖微近後骨縫中小舉臂取之當
骨解陷中灸五壯予自觀灸數人皆愈矣灸畢項
大痛良久乃定永不發予親病齒痛百方治之皆
不驗此法遂差同上

○脚氣灸風市

蔡元長知開封正據案治事忽覺如有虫自足心

行至腰間即墜筆暈絕久之方甦。據屬云此病非
俞山人不能療。趣使呼之。俞曰是真脚氣也。法當
灸風市為灸一壯。蔡晏然復常。明日疾發再呼俞
曰欲除病根非千壯不可。從其言灸五百壯自此
遂愈。仲兄文安公守姑蘇以鑿輿巡幸虛府舍。齋
徒具縣縣治卑濕旋感足痺痛掣不能忍服藥弗
效。乃用所聞灼風市肩髃曲池三穴中再不復作。
僧普清苦此二十年每發率兩月用此灸二十一
壯即時痛止。其他蒙此力不一而足。出夷
堅志

○灸脚轉筋

岐伯灸法療脚轉筋時發不可忍者灸脚踝上一
壯。內筋急灸內。外筋急灸外。

○三里頻灸

若要安三里莫要乾。患風疾人每灸三里者五臟
六腑之溝渠也。常欲宣通即無風疾。

○灸頭臂脚不宜多

如灸頭上穴灸多令人失精神。脚臂穴灸多令人
血脉枯竭四肢細而無力。既復失精神又加於細
即令人短。

○灸痔疾

唐峽州王及郎中充西安撫司判官乘驢入駱
谷及宿有痔疾因此大作。其狀如胡瓜貫於腸頭
熱如燬灰火至驛徑仆主驛吏言此病某曾患來
須灸即差。用柳枝濃煎湯先洗痔便以艾灸其上。

連灸三五壯忽覺一道氣入腸中因大轉瀉先血
後穢一時至痛楚瀉後遂失胡瓜登驢而馳出本
事方

○灸蛇毒

朝野僉記載毒蛇所傷用艾灸當齧處灸之引去
毒氣即差其餘惡虫所螫馬汗入瘡用之亦效

○灸難產

張文仲灸婦人橫產先手出諸般符藥不便灸婦
人右脚小指頭尖三壯炷如小麥天下火立產

○灸臍風

樞密孫公抃生數日患臍風已不救家人乃以盛
盤盒將送詣江道遇老媪曰兒可活即與俱歸以
艾炷臍下遂活

○不宜灸

凡婦人懷孕不論月數及生產後未滿百日不宜
灸之若絕子灸臍下二寸三分間動脈中三壯女
子門不灸出千
金方

○因灸而面黑氣

有人患灸三里而滿面黑氣鑿皆以謂腎氣浮面
危候也。有人云腎經有濕氣上蒸於心。心火得濕
成烟氣形於面。面屬心故心腎之氣相通。如坎之
外體即離。離之外體即坎。心腎未常相離也。耳屬
水。其中虛而有離之象。目屬火。其中滿則有坎之
象。抑可見矣。以去濕藥治之。如五苓散防己黃芪
之類皆可用醫
餘

神鑿

太醫集業

國家以文武醫入官蓋謂養民設未有不是學古而得之者學古之道雖別而同為儒必讀五經三史諸子百家方稱學者鑿者之經素問靈樞是也史書即諸家本草是也諸子難經甲乙中藏太素是也百家鬼遺龍樹金族刺要銅人明堂幼幼新書產科寶慶等是也儒不讀五經何以明道德性命仁義禮知鑿不讀靈素何以知陰陽運變德化時令儒不讀諸史何以知人材賢否得失邪正醫不讀本草何以知名德性味養生延年儒不讀諸子何以知崇正衛教學識醇疵醫不讀難素何以

知經絡尺寸部候虛實儒不讀百家何以知律曆制度休咎吉凶鑿不讀雜科何以知脉穴骨空奇病異證然雖如是猶未為博况經史之外又有文海類集如漢之班馬唐之韓柳及我大宋文物最盛難以槩舉鑿之外漢有張仲景華陀唐有孫思邈王冰等動輒千百卷其如本朝太平聖惠乘閑集效神巧萬金備見崇文明醫別錄

出三因方

趙簡子

扁鵲傳趙簡子病五日不知人大夫皆懼於是召扁鵲入視之曰血脉滯也而何怪昔秦穆公嘗七日而寤寤而告公孫子支與子輿曰我夢之帝所甚樂帝告我晉國將亂五世不安其後將霸未老

而死。霸者之子且令而國男女無別。後獻公之亂。文公之霸而襄公敗。秦師於穀而歸。縱淫。今三君之病與之同。不出三日疾必間。間必有言矣。居二日半簡子寤。

出史記

神醫

陳昭遇者嶺南人。善醫。隨劉鋹歸朝。後為翰林醫官。所治疾多愈。世以為神醫。絕不讀書。詰其所習。不能答。嘗語所親曰。我初來都下。持藥囊抵軍壘。屯日閱數百人。其風勞冷氣之候。皆默識之。然後視其長幼虛實。按古方用湯劑。鮮不愈者。實未嘗尋脈訣也。莊周所謂懸解董遇。以為讀書百遍其義自見。豈是之謂歟。

出皇朝類苑

尸蹩

號太子死。扁鵲曰。太子病所謂尸蹩者也。夫以陽入陰中。動胃。緣中經維絡。別下於三焦膀胱。是以陽脈下逐。陰脈上爭。會氣閉而不通。陰上而陽內行。下內鼓而不起。上為絕而不為使。上有絕陽之絡。下有破陰之紐。破陰絕陽。已廢脈亂。故形靜如死狀。太子未死也。夫以陽入陰。支蘭臟者。生以陰入陽。支蘭臟者。死。凡此數事。皆五藏蹩中之時。暴作也。良工取之。拙者疑殆。扁鵲乃使弟子子陽厲鍼砭砥石。以取外三陽。五會有間。太子蘇。乃使子豹為五分之熨。以八減之劑。和煮之。以更熨兩脅下。太子起坐。更適陰陽。但服湯二旬而復。故天

下盡以扁鵲為能生死人。扁鵲曰：越人非能生死人也。此自當生者，越人能使之起爾。出史記

○死胎

李將軍妻病甚，呼華陀視脉，曰：傷娘而胎不去。將軍言：聞實傷娘胎已去矣。陀曰：按脉胎未去也。將軍以為不然。陀舍去，婦稍小差，言餘日復動，更呼陀。陀曰：由此脉故，是有胎前兩兒，一兒先出血，甚多，後兒不及生，母不自覺，旁人亦不寤，不復迎，遂不得生胎死，血脉不復歸，必燥着母脊，故使多脊痛。今當與湯并鍼一處，此死胎必出。湯鍼既加，婦痛急如欲生者。陀曰：此死久枯，不能自出，宜使人探之。果得一死男，手足完具，黑長可尺。陀之

絕技，凡此類也。出三國魏志

○郝翁精於鑿

郝翁者，名允，博陵人。少代其兄長，征河朔，不堪其役，遁去。月夜行山間，憊甚，憩一樹下，忽有大羽禽飛止其上，熟視之一黃衣道士也。允拜手乞憐，道士曰：汝郝允乎？因授以鑿術。晚遷鄭圃，世以神鑿名之。遠近之人賴以活者四十餘年。非病者盡能活之也。蓋其術精良，可信，不幸而不可治，必先語之。雖死亦無恨於脉，非獨知己病亦能於知未病與死。近者頃刻，遠者累年，至其日時皆無失歲常候，測天地六元五運考四方之病，前以告人亦無失。皇祐中，翁死，張岫子堅誌其墓云：夏英公病泄

太醫皆謂中虛。翁曰：風于胃則泄，殆蒿本湯證也。
英公駭曰：吾服金石等藥無數，泄不止，其敢飲蒿
本乎？翁強進之，泄止。出邵氏
間見錄

○褚澄善鑿

南史曰：褚澄善鑿術。建元中，為吳郡太守，百姓李
道念以公事到郡，澄見謂汝有重病，答曰：道有冷
病，至今五年，衆鑿不差。澄為診，謂曰：汝病非冷非
熱，當是食白淪雞子過多所致。令取蒜一升，煮服，
仍吐一物如升涎，裹之，動開看，是雞雛羽翅爪距，
具足能行走。澄曰：此未盡，更服所餘藥，又吐得如
向者雞十三頭，而病都差。當時稱妙。

○唐與正治疾

唐與正少年得脉法於臨安醫者黃澤，繼又得藥
法於太學士夏德懋，所召紫霞仙。遇人有奇疾，多
以意治。其姪女年數歲，得風痺疾，先發於臆，迤邐
上赤腫痛痒，鑿以上膈風熱治之，不效。唐診之曰：
是肝肺風熱盛極耳。以升麻、羌活、荆芥、鼠粘子、赤
芍藥、淡竹葉、桔梗、乾葛八物治之，自下漸退，而腫
於頂，其高數寸。雖飲食寢處無妨，而疾未去也。唐
母吳夫人曰：此女乳母好飲熱酒，至并飲其糟，疾
殆因是歟。唐方悟，所以至頂不消之由，思之。唯乾
葛消酒，且能療火毒，乃於先方加葛，倍使服之。
二日腫乃失去。從舅吳述檢病，不得前，洩卧則微
通，立則不能消滴。鑿通用通小腸藥，窮技巧弗驗。

唐因其姪孫大用來問吳常口服黑錫丹問何人
結砂曰自為之唐洒然悟曰是必結砂時鈆不死
硫黃飛去鈆砂入膀胱卧則偏重猶可洩立則正
塞水道以故不能通令取金液丹三十粒分為十
服煎麥湯下之膀胱得硫黃積鈆成灰從水道下
猶累累如細砂病遂愈葛之消酒硫黃之化鈆備
戴經方苟不知病源而以古方從事未見其可也
出夷
堅志

○以鑿和名

成州團練使張銳字子剛以醫知名顯于鄭州
按中蔡魯公之孫婦有娠及期而病國醫皆以為
陽證傷寒懼胎之墮不敢投涼藥魯公密邀銳視

之銳曰見之胎十月將生矣何藥之敗即以常法
與藥且使倍服之半月而兒生病亦失去明日婦
人泄而喉閉不入食衆醫復指言其疵且曰二疾
如水炭又產蓐甫近雖扁鵲復生無活理也銳曰
無庸憂將使即日愈乃入室取藥數十粒使吞之
咽喉即通下泄亦止逮滿月魯公開宴自諸子諸
孫及女婦甥婿合六十人請銳為客公親酌酒為
壽曰君子術道之神吾不敢知敢問一藥而治二
疾何也銳說此亦無所載特以意處之向者所用
乃附子理中丸裹以紫雪爾方喉閉不通非至寒
藥不為用既以下咽則消釋無餘其得至腹中者
附子力也故一服而兩疾愈亦大加嘆異盡斂席

上金七箸遺之刑部尚書慕容彥逢為起居舍人
母夫人病亦召銳於鄭至則死矣時方六月暑將
就水銳欲入視彥逢不忍謂其欲求錢乃曰道路
之費當悉奉償實不煩入銳曰傷寒法有死一晝
夜復生者何惜一視之彥逢不得已自延入悲哭
不止銳揭面帛注視呼作醫語之曰若常見夏月
死者而色赤乎曰無然則汗不出而蹙爾不死也
幸無亟歛趨出取藥命以水二升煮其半灌病者
戒曰善守之至夜半大瀉則活矣銳舍於外館至
夜半時守病覺有起勃勃然遺屎已滿席出穢惡
物斗餘一家盡喜遽敲門呼銳銳曰吾今日體困
不能起然亦不必起明日方可進藥也天將明出

門若將便旋然徑命駕過鄭彥逢詣其室但留平
胃散一貼而已其母服之數日良愈蓋銳以彥逢
有求錢之疑故不告而去紹興中流落入蜀王拒
叔堅問之曰公之術古所謂十全者是歟曰未也
僅能七八耳吾長子病診脉察色皆為熱極命煮
承氣湯欲飲之將飲復疑至於再三將遂飲如有
掣其肘者姑持盃以待兒忽發顛悸覆綿衾至四
五始稍定汗下如洗明日而脫然使吾藥入口則
死矣安得為造妙世之庸醫學方書未知萬一乃
自以為足吁可懼哉

出夷
堅志

○耳聞風雨聲

孫兆厥丞言治平中有顯官某府尹忘其名氏一

日坐堂決事。人吏環立。尹耳聞風雨鼓角起。顧左右曰：此何聲也？州吏對以無府。尹曰：若然，吾乃病耳。遽召孫少往焉。少診之，乃留藥治之。翌日，尹如故。尹召孫問曰：吾所服藥，切類四物飲。孫曰：是也。尹曰：始慮為大患，服此藥立愈，其故何也？孫曰：心脉太盛，腎脉不能歸耳。以藥理心經，則腎脉復，乃無恙。孫之醫出於衆人，皆如是。衆人難之，孫則易之。衆人易之，孫則難之。真世之良醫也。

○非孕

潘璟字溫叟，名醫也。虞部員外郎張咸之妻孕五歲，南陵村富昌齡妻孕二歲，團練使劉彛孫妾孕十有四月，皆未育。溫叟視之曰：疾也。凡醫妄以為

有妊爾。於是作天劑飲之。虞部妻墮肉塊百餘，有眉目狀，昂齡妻夢二童子，色漆黑，倉卒悸怖，疾走而去。彛妾墮大蛇，猶蜿蜒不死。三婦人皆無恙也。屯田郎中張誣妻年四十餘，而天癸不生。溫叟察其脉曰：明年血潰，迺死。既而果然。又貴江令王霽夜夢與婦人謳歌，飲酒盡不能食。如是三歲。溫叟治之，疾益平，則婦人色益沮，飲酒易怠，而謳歌不樂。久之，遂無所見。溫叟曰：雖疾衰，然未愈也。如夢男子青巾而白衣者，則愈矣。後果夢，則能食。出唐志

○徙癰

薛伯宗善徙癰。公孫泰患發背，伯宗為氣封之，徙置齋之柳樹上。明日而癰消，樹邊便起一

瘤如拳大稍稍長二十餘日瘤大濃爛出黃赤汁
升餘樹為痿損出太平御覽

○劉從用妙醫

韶州曲江人劉從用妙於醫術有洎得之見著書
十篇大抵與世俗異其論痢疾云常人以白痢為
冷證赤痢為熱證故所用藥如冰炭其實不然但
手足和暖則為熱當煎粟米湯調五苓散繼服感
應丸二十粒即愈手足厥冷則為寒當服已寒丸
二類凡治痢當以此別之初不問赤白也如盛夏
發熱有傷寒冒暑二證若熱有進退則為冒暑一
向熱不止則為傷寒常以此別之

○按麥中蠱

有人家女病腫膀召醫皆不能識馬嗣明問病由
云曾以手按麥穗即有一赤物長二尺許似蛇入
其手指中因驚倒即覺手臂疼腫月餘漸及半身
肢節俱腫痛不可忍嗣明處方治之皆愈出劉頴叔異苑

○華陀醫疾

華陀沛國譙人通養性之術年且百歲而猶有壯
容時人以為仙精於方藥處劑不過數種心識不
復假稱量鍼灸不過數處若疾發結於內鍼藥所
不能及者乃令先以酒服麻沸散既醉無所覺因
剖破腹背抽割積聚若在腸胃剝斷截湔洗去疾
穢而縫合傳以神膏四五日瘡愈一月之間皆平
復

破腹取病

華佗傳一士大夫不快。佗曰：君病爾當破腹取。然君壽亦不過十年。病不能殺君。忍病十歲壽俱當盡。不必。故自割裂。士大夫不忍痛癢。必欲除之。佗遂下手。所患尋差。十年竟死。並魏志

扁鵲見齊桓侯

扁鵲過齊。初見齊桓侯曰：君有疾。公不應。後又見之曰：君有疾。乃可治之。公曰：卿欲治無病之人。以求其功。後又見公。越人便走。數日病發。召越人。越人曰：初見君病在皮膚。鍼灸所及。再見君病在血脉。湯液所及。今見君病入骨髓。司命無所柰何。後數日桓公乃薨。

文摯

文摯齊人也。齊威王病發。使召文摯。摯至謂太子曰：王病怒則愈。王若即殺臣柰何。太子曰：無慮。我當救之。文摯於是不時來。見王及來不脫履而登床。王大怒。使左右持下。將烹之。后及太子扣頭請救。王怒遂解。赦摯。因此病愈。並史記

董奉

董奉候官人也。時交州刺史士燮中毒藥而死。奉以寒水含丸。藥沃燮口中。須臾乃蘇。燮自說初死時有一軍門直入一處。內燮於土窟中。以土塞之。俄頃聞太一使至。遂開土窟。燮得出。

華佗

華佗字元化善養生之術廣陵太守陳登患留煩
懣面赤不食使人請佗曰府君胃中有虫欲成疽
食腥物之所為乃作湯令服之遂吐三升許虫出
頭皆赤半身猶是生鱸佗曰此病必更再發若值
良醫乃可救之後果發佗時不在病發遂卒

○臟氣已絕

縣吏尹世若四肢煩口中乾不欲聞人聲小便不
利佗曰試作熱食得汗則愈不則後三日死即作
熱食而不汗出佗曰臟氣已絕於內當啼哭而絕
果如佗所言出魏志

○病有六不治

驕恣不論於理一不治輕身重財二不治衣食不

能適三不治陰陽并臟氣不定四不治形羸不能
服藥五不治信巫不信醫六不治有一於此則重

難治也

出千金方
並史記

○隨俗為醫

扁鵲名聞天下過邯鄲聞貴婦人則為帶下醫過
雒陽聞周人愛老人即為耳目痺醫來入咸陽聞
秦人愛小兒即為小兒醫隨俗為變

○扁鵲兄弟三人

鵲冠子云扁鵲弟兄三人並醫魏文侯問孰最善
扁鵲曰長兄神視色故名不出家仲兄神視毫毛
故名不出問臣鍼入血脉投人毒藥故名聞諸侯

○堅傷脾

濟北王召淳于意診脉諸女子侍者至女子堅無
病意告來巷長曰堅傷脾不可勞法當春嘔血死
平曰得母有病乎意對曰堅病重死法中王召
視之其顏色不變以為不然春堅奉劍從平之廁
王去堅後令人召之即仆於廁嘔血死病得之流
汗流汗者同法病內重毛髮而色澤脉不衰此亦
關內之病也並史記

○病狂

蘄水縣高醫龐安時治病無不愈其處方用意幾
於古人自言心解幼不從人授也蘄有富家子竊
出游倡鄰人有鬪者排動屋壁富人子大驚懼疾
走惶惑突入市市方陳刑尸富人子走仆尸上因

大驚到家發狂性理遂錯醫巫百方不能已龐為
劑藥求得絞囚繩燒為灰以調藥一劑而愈龐得
他人藥嘗之入口即知其何物及其多少不差也

出張右史
明道雜誌

○肝氣暫舒

西明僧奉真良醫也天章閣待制許元為江淮發
運使奏課于京師方欲入對而其子病亟瞑而不
食惛憒踰宿矣使奉真視之曰脾已絕不可治死
在明日无曰觀其疾勢固知其不可救今方有事
須陛對能延數日之期否奉真曰如此自可諸臟
皆已衰唯肝臟獨過脾為肝所勝其氣先絕一臟
絕則死若急瀉肝氣令肝氣衰則脾少緩可延三

日過此無術也。乃投藥至晚，乃能張目。精稍復，啜
粥。明日漸蘇而能食。无甚喜。奉真笑曰：此不足喜。
肝氣暫舒耳。無能為也。後三日果死。
談出筆

醫說卷第二

